

金石文字記

一



Z121

1  
:1517

00746

金石文字記

一

顧炎武輯

中華書局

Z121

1

:1518

金石文字記

二

顧炎武輯

中華書局

叢書集成初編

金石文字記（及其他一種）

中華書局出版發行

（北京王府井大街三十六號）

秦皇島市資料印刷廠印刷  
一九九一年北京第一版

開本：七八七乘二〇九二毫米 三十二分之一  
統一書號：ISBN7-101-00894-1/K·367

金石文字記序

余自少時卽好訪求古人金石之文而猶不甚解及讀歐陽公集古錄乃知其事多與史書相證明可以闡幽表微補闕正誤不但詞翰之工而已比二十年間周遊天下所至名山巨鎮祠廟伽藍之跡無不尊求登危峰探窈壑捫落石履荒榛伐頽垣畚朽壤其可讀者必手自鈔錄得一文爲前人所未見者輒喜而不寐一二先達之士知予好古出其所蓄以至蘭室之墜文天祿之逸字旁搜博討夜以繼日遂乃抉剔史傳發揮經典頗

有歐陽趙氏二錄之所未具者積爲一帙序之以貽後人夫祈招之詩誦于右尹孔悝之鼎傳之載記皆尼父所未收六經之闕事莫不增高五嶽助廣百川今此區區亦同斯指恨生晚不逢名門舊家大半凋落又以布衣之賤出無僕馬往往懷毫氎墨躑躅於山林遠鳥之聞而田父僮丁鮮能識字其或編於聞見窘於目力而山高水深爲登涉之所不及者卽所至之地亦豈無田漏又望後人之同此好者繼我而錄之也顧炎武序

金石文字記卷一

崑山 顧炎武寧人 輯

商

比干銅盤銘

今在汲縣北十五里比干墓上衛輝府志曰周武王  
封比干墓銅盤銘碑石殘斷字畫失真萬歷十五年  
知府周思宸重募汝帖立石於墓前薛尚功鐘鼎款  
識言唐開元中偃師縣土人耕地得此盤篆文甚奇  
古其釋文云左林右泉後岡前道萬世之藏茲焉是

寶一作前圖後道藏一作靈一作寧茲一作於寶一  
作保今考之張邦基墨莊漫錄曰政和間朝廷求三  
代鼎彝器程唐爲陝西提點茶馬李朝孺爲陝西轉  
運遣人於鳳翔府破商比干墓得銅盤徑二尺餘中  
有款識一十六字又得玉片四十三枚其長三寸許  
上圓而銳下濶而方厚半指玉色明瑩以盤獻之於  
朝玉留秦州軍資庫道君皇帝曰前代忠賢之墓安  
得發掘乃罷朝孺退出其盤其玉久在秦庫近年王  
庶知秦州日取之而去祁覽居之嘗見之爲余言之



然則此碑之得自鳳翔不自偃師卽其爲何代之物  
不可知而比于殷人必無葬鳳翔之理也疑以傳疑  
姑存之編首云爾

周

石鼓文

石鼓凡十相傳爲周宣王獵碣今讀其文皆淺近之  
辭殊不及車攻吉日之閎深也金史馬定國傳言石  
鼓自唐以來無定論定國以字畫考之云是宇文周  
所造作辨萬餘言出入傳記引據甚明楊用修慎最

稱好古而亦曰宣王之世去古未遠所用皆科斗籀文今觀說文所載籀文與今石鼓文不同石鼓乃類小篆余獨以其辭不足儕于二雅而疑之今在京師國子監先師廟戟門左右有元潘迪音訓

韓退之石鼓詩陋儒編詩不收入二雅褊迫無委蛇今讀此詩但有鋪張而無意味其有一章之可幾於二雅哉若响嘍碑詩不知何所據而作注引盛弘之荊州記曰南嶽周迴數百里昔禹登而祭之因夢元夷使者遂獲金簡玉字之書徐靈期南嶽記曰昔禹

導水通瀆刻石書名山之高而退之因此作詩其辭  
口峭屢山尖神禹碑字青石赤形摹奇科斗拳身雄  
倒披鸞飄鳳泊拏虎螭事駁跡祕鬼真窺道人獨上  
偶見之我來咨嗟涕漣漉干搜萬索何處有森森綠  
樹猿猱悲則是不獨自嶧以前未有見此碑者卽退  
之亦未之見也至宋嘉定壬申有何致字予一者始  
得之祝融峰下手摹以歸及衡山令搜訪已迷其處  
字奇而不合法語奇而不中倫韻奇而不合古可斷  
其爲僞作而無疑也

吉日癸巳

世傳周穆王登壇山刻此四字於石金石錄以爲三代時所用皆古文科斗書而此乃類小篆疑而未信今壇山在贊皇縣東北一十五里而此石已移置縣之儒學戟門西壁

鼎銘

今在丹徒縣焦山寺中鼎高一尺三寸二分腹徑一尺五寸八分口徑一尺四寸五分耳高三寸濶四寸二分足六寸一分深八寸二分銘九十三字皆古文

蝕一字外爲雲雷之形其文曰維九月既望甲戌王

各古格字于周丙子番于圖室司徒南中古仲右古仰字

世惠僉立古位字中廷王呼史端册令古命字世惠曰宜

治佐王頗側弗作錫女古汝字元衣東帶戈瑯戟縞鞞

彤矢筮勒鬻旂世惠敢對揚天子不古丕字顯敬休用

作尊鼎用享于口列考用周筮壽萬年子孫永寶周

朱彝尊曰鼎銘其人莫考曰王格于周曰司徒南仲

殆周時器也其曰立中廷按毛伯敦銘文亦有之薛

尚功釋爲立而周禮小宗伯掌建邦之神位註故書

作立鄭司農云立讀爲位古者立位同字古文春秋  
經公卽位爲公卽立則是銘曰立亦當讀位也

吳季子墓碑

唐大歷十四年潤州刺史蕭定重刻在丹陽縣延陵  
鎮吳季子廟越絕書曰毘陵上湖中冢者延陵季子  
冢也古名延陵墟卽其地也後人又摹刻於縣南門

外驛前

元吾邱衍學古編曰按古法帖止云嗚呼有吳君子  
而已篆法敦古似乎可信今此碑妄增延陵之墓四

字除之字外三字是漢人方篆不與前六字合且音  
君字作季字漢器蜀郡洗郡字半邊正與此君字同  
用此法也以季字音顯見其謬比千墓前有漢人篆  
碑亦有此說洪氏隸釋漢隸字源辨之甚明此不復  
具

秦

泰山石刻 李斯篆

金石錄言劉跋作秦篆譜凡一百四十四字金薤琳  
琅言宋營公墓本僅二世詔五十一字今所存惟臣

斯臣去疾御史夫臣昧死言臣請具刻詔書金石刻  
因明白矣臣昧死請二十九字在嶽頂碧霞元君宮  
之東廡而泰安州城內東嶽廟中別刻一石亦止二  
十九字其宋本不傳

嶧山石刻 李斯篆

秦刻久亡宋淳化四年太常博士鄭文寶以徐鉉摹  
本刻之于石在陝西西安府儒學中元至元二十九  
年重刻者在鄒縣治

其文有云功戰曰作當是攻字古人以攻功二字通



用齊侯鑄鐘銘肇敏于戎功作攻周禮肆師凡師不  
功則助牽王車故書功爲工鄭司農讀爲功古者工  
與功同字

漢

魯孝王刻石 八分書

金高德齋記曰魯靈光殿基西南三十步有池明昌  
二年詔修孔子廟匠者於池中得此石其文曰五鳳  
二年魯卅四年六月四日成今在孔子廟中  
五鳳二年者漢宣帝有天下之年也魯卅四年者魯